



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. XI. Sitis Christi.

[urn:nbn:de:hbz:466:1-49178](#)

totâ æternitate sperandum minimum momentum
minimo solatijum, nec à terrâ, nec à cœl.; nec ab
Angelis, nec à dæmonibus; nec ab hominibus, nec
à cœlitibus; nec à Deipara, nec à Christo, nec à
DEO; nec à præteritis, nec à præsentibus; nec à
futuris. Tunc totâ æternitate ab omnibus dereli-
ctus, incipiet conscientia tua te mordere, punge-
re, vellicare, infinites tibi repetens illa verba Jere-
Ier. 2. 19. miæ, Scito, & vide, quoniam malum, & amarum est,
reliquisse te Dominum DEV M tuum. Hæc omnia ma-
Ps. 26. 9. la ne mihi contingent, Adjutor meus es tu, ne derelin-
quas me. Quando ab omnibus derelictus tradam
spiritum meum, recordare quia tibi derelictus es
pauper; ne derelinquas me, ideò enim Pater tuus
dereliquit te, ne tu, Frater meus, derelinquas me.

§. XI.

Situs Christi.

Matt. 10. 22. **E**st Christi oraculum: Qui perseveraverit usque in
finem, hic salvus erit. Sicut ergo cuivis necessa-
rium est perseverare in finem, ut sit salvus; sic &
Christo, ut sit Salvator. Ut autem perseveraret
usque in finem, debebat consummare omnia, quæ
ad finem salutis nostræ de eo in Scriptura erant
expressa. Cum ergo videret neccum impletam
esse illam Scripturam Davidis, In siti mea potave-
runt me aceto: ne iota unum, vel apex præteriret de
Scriptura, quem non impleret, Sciens IESVS, quia
omnia consummata sunt; ut consummaretur Scriptura
dixit: Sitio. Vnde ergo positum erat plenum aceto. Illi au-
tem spongia plena acero, bysopo circumponentes, ob-
tulerant ori ejus.

Hic iterum novum se offert mysterium. Jam
mors propè erat in labijs Christi, mors in oculis,
mors in corde, mors in toto corpore illius, qui est
vita

vita nostra. Jam propè cursum consummaverat, & ecce quasi cursum inchoaret; quasi staret adhuc in exordio magni illius operis quod propè perfec-^{erat} adhuc ardens plura pati, dixit: *Sitio.* Sciebat JESUS jam omnia prope esse consummata; enim verò dixerat, fecerat, pertulerat, quidquid dici, fieri, perferti pro salute hominis vel poterat, vel debebat, & tamen quasi nihil dixisset, nihil egisset, nihil pertulisset; plura pati exoptabat. Poterat hic Christus loqui ut Jonas projectus in mare: *Projecisti me in profundum, in corde marii: omnes gurgites tui, & fluctus super me transferunt, Circumdederunt me aquæ usque ad animam: abyssus rallavit me pelagus operuit caput meum.* Observata hic omnia congesta simul, quæ possent extinguere sicutim; profundum mare, gurgites, fluctus, aquæ, abyssus, pelagus; & tamen inter tot aquarum cumulos, clamat: *Sitio.* Quid miramur illum sitire tam fessum ambulan-^{do, operando, consligendo;} Sāson solus mille pro-^{straverat Philistæos, sitiensque valde (ait Scriptura)} *Iud. 1 §. 18.* clamavit ad Dominum, & ait: *Tu dedisti in manu servi tui salutem hanc maximam, atque victoriam: en siti morior.* Magnus hic bellator Christus, contra quem non pugnaverat? Prodigant in campum eum pugnaturi Angeli, homines, dæmones. Ex hominibus Ethnici & Judæi, Reges & subditi, Romani ac barbari, milites & cives, Ecclesiastici & Læici, litterati & indocti, Magistratus & priua-^{ti, noti & ignoti, amici & adversarij,} & ipsa denique DEI Justitia; ita ut de Christo merito dici posset, quod de Saule prælianre, *Totum pondus belli versum est in Saul;* Ita totum pondus prælii, quod contra illum inibat Divina Justitia, versum est in Christum. In illum Justitia confregit sagittas, ar-^{1. Reg. 1} cum, gladium, & hastam, Numquid ergo dum tam

tam ardua prælia præhiatur JESUS , meritò ut
 Samson exclamat: En siti morior. Sed quid hoc est,
 Domine? Ergone fons ipse sitis? tu alios sitientes,
 ut ad te veniant, invitatis, dicens: Omnes sitientes ve-
 nire ad aquas. Et, Si quis sitiat, veniat ad me, & bibat.
 Tu fons es Sapientiæ, torrens voluptatis, abyssus
 dulcedinis, puteus aquarum viventium: potestne
 deesse in puto, abyssu, fonte, torrente aqua? Ad te
 ipsum ergo recurre, ut sitim extinguis. Vel certè
 illud, quod tibi Judæi offerunt, acetum, vete in
 vinum ; qui olim in nuptijs aquam vertisti in vi-
 num. Sed profectò sicut Pater eum dereliquerat,
 sic ipse se dereliquit: nec tantillo solatio frui vole-
 bat. O Virgo, quæ hic cruci adstas, & audis cla-
 mantem Filium; Sitio, ubi nunc ubera tua, qua me-
 liora sunt vino? ubera illa, quibus Filium infantem
 toties lactasti bidentem? Tu in nuptijs Cana Galiliæ ,
 ubi tamen non deerat quod biberent convi-
 væ; ubi nemo clamabat: Sitio: misericordiâ mota
 super discubentes, dixisti Filio: Vinum non habent;
 Jam ipse Filius tuus , qui aquam mutavit in vi-
 num, siti in cruce perit, & te audiente clamat: Si-
 tio: cur non in genua procumbis, & clamas ad Pa-
 trem ejus: Vinum non habet? Filius tuus dixit de se-
 ipso: Ego sum vîs. In vite sunt palmites, in palmi-
 tibus uvæ, ex uvis exprimitur vinum: cur illi non
 dicis; Vinum non habes? Quid mirum, si vinum
 non habeat? Illi enim temulenti, & bibacissimi
 potatores vini, qui comorantur in vino, & student ca-
 licibus epotandi; ut loquitur Salomon: bibentes vi-
 num in phialis, ut dicit Amos. Illi de quibus Isaías:
 Qui consurgunt manè ad ebrietatem festandam, & po-
 tandum usque ad vesperam, ut vino astuent: potentes ad
 bibendum vinum, & viri fortes ad miscendam ebrieta-
 tem; omne vinum exhauserunt. Hinc Filius DEI

sa. 55.
 van. 7.

int. I. I.

an. 2.

an. I 5. I

brioni

gunt

hri-

am si-

re.

ov. 13.

o.

nos. 6.

a. 5. II.

12.

vinum non habet. Illi ebriosi, quos Vas electionis
vocat vasa iræ, apta in interitum, & vasa in contume- Rom. 9.21
liam, evacuarunt omnia vasa vini. Hinc ante Fi-
lium DEI, ponitur vas aceto plenum: quare vinum
non habet. O si in convivijs illis, de quibus Isaias
differit: Cythara, & lyra, & tympanum, & tibia, & vi- Isa. 5.12
num in conviviis vestris; si in illis epulis, dum per-
græcantur helluones illi temulenti, vino madidi,
vox illa Christi lamentabilis personaret: Sitio: quis
non offerret ei calicem, saltem aquæ frigidæ?
Quomodo jam refixit omnium charitas? Etiam
hunc ei negant ebriosi. O Maria! jam potes dicere
de Filio tuo, non illud; Vinum non habet: sed
aquam non habet: quia non habet nisi acetum.
Illi potatores vini audient aliquando in celebri
illo theatro coram Angelis, & hominibus, ex ore
illius qui jam moritur siti: Sitiri, & non dedisti mihi Mat. 15
potum. Illi sunt qui cum Evangelico illo epulone, 42.
ad æternam sitim damnati clamabunt: Pater, mitte Luc. 16.
IESVM, ut intingat extremum digiti sui in aquam, ut 24.
refrigeret linguam meam, quia crucior in hac flamma.
Quàm calamitatem ut avertat à nobis Deus, re-
frigerate nunc linguam Christi sitiens. Sitit ipse
nostras lachrymas. Clamet ergo quilibet cum Je-
remia: Quis dabit capiti meo aquam, & oculis meis Ier. 9.
fontem lachrymarum, ut refrigerem linguam Salva-
toris mei! Non habeo, ô fons aquæ vivæ! nisi ge-
minos hos oculorum fontes, ex quibus stillant fal-
sæ lachrymæ: habito enim inter a salsugini: has ti-
bi offero pro potu. Fluent ex oculo dextero la-
chrymæ Amoris ob beneficia tua; ex sinistro, do-
loris ob scelera mea. His extinguam sitim tuam,
ut in novissimo die aliquando audiam ex ore tuo
illa exp̄etatissima verba, Sitiri & dedisti mihi bibe-
re.